

Mo chara apsdail Filib

[Carney, James: *Poems on the O'Reillys*, Dublin, 1950, poem 16]

Donnchadh Caoch Ó hUiginn .cc.

1 Mo chara apsduil Filib,
cara nach ligfiod d'éigsibh,
mo chara dil as duasbhog,
absdol uasal na Bréithne.

2 Fear nár eitigh dúil daonna,
oighre Aodha níor thréigios
Pilib re cách na measdoir,
eara easboil na n-éigios.

3 Ní fhaicim aca acht Pilib,
cóir go minic a ghuidhe;
do ghabhadh riú gach éineang,
éigse na hÉireann uile.

4 Clanna ríoghmhná nárbh infhir,
is é Pilib a gcéudghrádh;
téid d'éigsibh fóna n-easbuidh,
cara easboil gach énmhná.

5 Dá iarraidh dáibh mur chéile,
mná nach géillfiodh do Bhrighid,
mná suirghe do thaobh thoile,
do-níd troisgthe do Philib.

6 Do chuir cách sinn a neimhchion,
acht eision fear ar bhfreasdoil;
do-chí an t-éigion a bhfuilim,
guidhim mo charaid easboil.

7 Do-chím Pilib dá ccuimhne,
leannán suirghe na seansgol;
do ghéilleadar dá gcéile,
mná is éigse dár n-easbol.

8 Mo chara in t-easbol uasol
dháileas duasa nár dligheadh;
is é Pilib an t-easbol
do gheall freasdol na bhfileadh.

9 Fear cheannchus chlú go minic,
teach Pilib Magh na nlongnadh,
samhail clú Chon na Ceardcha,

seabhac sealga na mbiodhbhadh.

10 Pilib ar chlú 's ar chulaidh
ceannchuing cubhaidh na Bréifne,
crann mor ar bpríomhchrann toraidh,
Pilib conuir na cléire.

11 Crann díona cáigh do chaomhna
mac Aodha na sleagh bhfada;
easbol na nduas mór minic,
is é Pilib mo chara.

12 Ní raibhe riamh ar duine -
dar Muire agus dar Brighid ! -
ó do bhí Críosa a bpianaibh
a bhfuil d'iarraidh ar Fhilib.

13 Ceann uidhe gacha sgoile,
Pilib oide na héigse,
ré ós rédlannaibh uaisle
Pilib Guaire na Bréifne.

14 Rug Pilib a[n] mbeirt doiligh
clár an oinigh do thileadh;
grian ghairthe lán do shoillse,
branán foirne na bhfileadh.

15 An cnoc ard is é Pilib,
is mor tigid dá iarraidh,
cnoc ard ós ardaibh oile
is cnoc coinne do chliaraibh.

16 Do-chuaidh a chrodh ó phardún,
sgol 'na ghlanmhúr is minic;
tóir 'na dhaidh as gach éndún,
dar leat is trétúr Pilib.

17 Fiadh nach gluaisiann mac Aodha
ó sgolaibh aosda in fhiadhaigh;
samhail d'fhiadh eidir chonoibh
é fá choraibh ag cliaraibh.

18 Dó fein is cóir ar gcaomhna,
mac Aodha, cuirfidh linne;
Pilib cara na héigse,
cara nach ttréigfe sinne.

19 Cuan édála na n-éigios,
Pilib Bréithneach ar ccisde,

tráigh toraidh dámh is deoradh
in cuan fár seoladh sinne.

20 In fear-soin is é Pilib,
a chlú go minic mosglaidh,
fear creachaidh Gall is Gaoidheal,
fear dá sgaoileadh ar sgluibh.

21 Pilib don chléir is cara,
mac is dalta Maoil Mhordha;
moch téid a ttíribh ciana
a cclú re cliaraibh Fodla.

22 D'éigsibh Éireann is anait
ionnmhus dá n-agraid Bréithnigh
a-niú [ní tráth dá thagra]
is mór a n-agra ar éigsibh.

23 In t-easbol uasol naomhtha
bhíos dár ccaomhna go minic,
doill nach bhfaca riamh roimhe
do-chiad amharc ar Fhilib.

24 Dearbhaidh sin é 'na easbol :
leighidh leabhor gach dlighidh,
is fiú a sgaoileann ar sgluibh,
do-chluin na bodhair Filib.

25 Clú Pilib na mbreath ríoghdha
do-chím scríobhtha 'sa rulla;
tarla chuige go dearbhtha
clú a ceardcha na cuma.

26 Dá n-ibhid dá fhleidh seirce
bíd ar meisge go minic,
cara easboil ban mBanbha,
a gcará anma Pilib.

27 Róise uile do sháraigh
lucht an chrábhaidh dá measdar,
is usa dó dúsacht
do-ní dúthracht don easbol.